

竹林八圩志

竹林八圩志卷十

祝廷錫纂

詩徵內編

高遜志

兵後河南宴集分韻得可字

皇風邁中否微命亦遷播豈謂托高林依然駭烽火前年
奔山壑去年匿檣舵妻兒怖欲死崩憂不知我賴此干城
將揮戈挽日墮趙佗既稱王天子詔曰可人能閉殺機三
光自窳妥湖波瑩宵鑑芙蓉顫秋朶且共醉明月狂吟莫
還舸

有感

竹林八圩志

卷十詩徵內編

一

退之少苦貧干祿頗浮躁長安三獻書時宰終不報飢寒
日哀鳴踰壯已瞶眊向非董張徒宦轍誰與導少年屢摧
抑大器天所造苟不涉患難尤足長雄驚嗟余樗散材時
邁未聞道雖云寡知己敢忘固窮操狗利多乞墦賈名爭
媚竈薄俗諒如斯何事傷懷抱

甲辰九日東塔廣福寺登高同牛士良陳彥博徐大

章周致堯釋元璞玉田用杜少陵玉山高並兩峰

寒為韻分得兩字

浮圖鬱嵯峨遥睇青雲上踟茲城府中間歲不一往今夕
復何夕謝此塵務鞅侵晨拉厲公登高敘幽賞涼風起天
末林霏發清響檐霾鎖陰壑鉄馬精神爽穿彼游龍窟容

與巨鰲類徙倚珠貝闕捫摘璣璿象感此懷古人窮愁一
滌蕩嘉會難再期良辰應不兩上人知雅意丈室豁宏敞
沽酒采芳蘭忘情非放曠郡公中州士遭世何極罔避地
僑寓此辭氣俱慨慷王師何日下恢復舊輪廣仍趨清朝
列脫卸江湖網贊理新治化日月增輝朗坐令瘡痍洗四
海起瞻仰鈎詩寫房壁嶮題筆枯強他日重追遊於以動
遐想

題茅山道士沈秋淵海鹽聽潮里小瀛洲錄呈畊漁

隱人

我聞瀛洲在滄海此說相傳數千載一杯弱水不勝舟雲
霧軒窗渺何在憶我初冠游江東開帆直指三茅峰瓊樓

竹林八圩志

卷十詩徵內編

二

玉殿倚天碧丹光飛射金芙蓉只今可望不可即跬步之
間成異域坐令塵土凋朱顏墮落干戈空歎息沈仙慕事
三茅君曾開石壁觀璠文晨朝環佩空外響琅玕杳杳雲
中聞自從遭亂山林燬避世歸來聽潮里崇構崔嵬迴絕
塵雲和草靜環流水瀛洲遙連咫尺間三峰宛似三神山
金雞呼月扶桑曉念爾孤鶴應當還嗟予本是瀛洲客幾
年欲歸歸不得羈棲且待靖風塵名山歷覽無南北

龍江記事

避地龍江上扁舟似杜陵流離心欲折漂泊力難勝水落
橫漁罟林疏見寺燈窮途何所托猶喜耦良朋

送孫照庵還吳

昔客吳門日於今四十年故居蕭寺外遺冢石湖邊結友
惟高適論文憶惠連翁今重會面訪舊一淒然

徐德厚司丞隱居

放棹南湖春水深昔年游覽得重尋陶公未許辭彭澤龐
老終期隱漢陰落絮雨餘沾墨沼遊絲風暖冒書林自憐
久客渾無賴亦欲携詩與盍簪

贈章安甫老人

籃輿迢遞出郊垞野服翩然鶴髮星柱史不辭周問禮伏
生須為漢傳經汀湖水落蒹葭老澤國霜寒橘柚青自笑
隱淪緣底事時危踪跡一浮萍

簡蒲庵長老

竹林八圩志

卷十詩徵內編

三

論交猶憶自前朝亂後誰憐意氣消元亮歸來依惠遠少
游久客過參寥山房黍熟供蔬甲石鼎茶香薦菊苗名勝
想無今古異禪龕容我避塵囂

茗川夜宿

山繞荒城水自流霜空月色滿溪樓夜長欹枕渾無寐二
十五聲都是愁

沈淳

閒居

天上抽簷萬里回秋風黃菊滿籬開翟公不復為廷尉辜
負賓朋日往來

趙輅

七世祖文簡公像贊

珊珊其姿皎皎其守既壽而康愈美而秀晉賢風流漢儒
錦繡節炳古今名垂宇宙文士楷模宗人領袖遐哉高標
誰出其右

高道素

兗州道中寄內

黃沙蔽天氣白日無晶光寒雲何蕭瑟四野青茫茫驚飈
激車輪我馬亦乍黃憶昔出門去臨別重徬徨九月無裳
衣五月無糗糧酸辛各自愛努力願相望悠悠二千里安
得到汝旁中宵不能寐輾轉心憂傷

臨淮秋夜

竹林八圩志

卷十詩徵內編

四

鳴橈伐鼓漾回波美酒千鐘開櫂歌秦箏甫停越謳發落
日微風雙翠娥芳年易盡瑤華晚白日朱顏愁不返橫笛
他鄉未忍聞空齋獨自成長歎

淨相寺示虛山秋月古風三上人

厲居蕭寺僻漸與世相忘灑墨存詩史焚香禮法王疏松
過雨暗新竹掃雲長漫笑謀生拙還期到石梁

秋日白苾村南園漫興三首

白髮慚為客長林舊隱居風塵彈鋏後生計閉門餘病起
多親酒愁深不廢書竹風吹獨卧夢寐入華胥
徙倚荒園暮病餘得自閒彈琴綠水曲散髮白雲間草閣
秋常早松門夜不關鐘聲與鶴唳蕭颯滿空山

寂寞餘三徑經過日幾回
卷簾沙草合猗檻浦帆來
社燕寒仍去秋花晚更開
幽棲知靜理人世不須哀

湘江道中寄內

輕颿短楫泝烟波
疊渚迴洲奈遠何
一路客程吟裏見
十分秋色病中過
江通漢水晴偏綠
山入湘雲晚更多
何處思鄉腸欲斷
楚妃祠下聽吳歌

春夜王鹿柴陳居一過苾村別業

明燭夜迢迢
琴樽伴寂寥
懷人因伐木
選勝欲停橈
興為看花劇
愁翻聽雨消
柳垂知拂水
桃落想隨潮
禽響低沈樹
漁燈暗渡橋
林昏籠暈月
地靜湧仙飈
謔浪天真出
談鋒名理饒
春從杯底盡
夜向坐中遙
冶思牽長袖
閒情憶

竹林八圩志

卷十詩徵內編

五

緯蕭獨憐人散後
何計永今宵

平湖德藏寺雨花亭

曾說宜翁闢講筵
雨花如雪暮雲天
孤亭高插知何處
人指荒池亂草邊

高承埏

南京旌忠祠祀甲申殉難諸公

魚甲煽妖氛
中原亂如霧
厲飈卷黃屋
皇神咸震怒
雲雁逝無餘
但見雞與鷺
豈謂萬里空
尚有天馬步
平生交諸公文質
非一趣及乎同
所歸均足愧
蟻附凜凜劍
烏並慘慘英魂聚
道盡忠乃仲理
感哀難駐整冠
讀穹碑風雨滿
祠路

題孤山正氣祠吊甲申以來兩浙殉難諸公

自古有大忠一死振衰祚諸賢邁時危百鍊無疑懼殺身
不救國銜石獨東注潮上春水平山深暮烟度精靈若可
呼悲風起高樹

憶母

憶我北堂撫獨子孀閣茹荼垂暮齒丸熊課讀幸成名遠
向危疆禦封豕量移又復遭時艱安得陳情奉甘旨紫泥
重錫慰衰顏斑舞猶賒面發泚

烈皇帝御書歌

二首
并序

御書乃宣德牋詩云未央鐘連曙光生隱隱初聞
柳外鶯風靜御爐香篆細天高斧座袞衣明螭頭

竹林八圩志

卷十詩徵內編

六

陛擁黃麾仗豹尾班聯白玉珩最喜及時勤庶政
蒼蠅聲裡問雞鳴後有御題丙子春賜戚臣有福
蓋書先臣章文懿懋詩賜寧德長公主駙馬都尉
劉有福也上用御寶其文曰大明崇禎皇帝萬幾
餘暇之筆又御書摺疊扇詩云蕭蕭翠竹野人家
靜裏經春玩物華綠樹千章啼百舌春風吹盡紫
藤花上用御寶其文曰崇禎御筆

先皇睿智誠奕奕高文典冊同圭璧即如書法邁鍾王能
令觀者盡辟易一自龍髯去鼎湖累朝墨寶悲狼藉剡藤
塵封亦已久忽墮吳門練光白委諸草莽人莫知如龍一
爪鸞片翮孤臣捧視淚沾襟不違天顏猶咫尺何以薦之

古錦囊敬收寶牘敷重席

吁嗟小臣受君恩功在封疆天語温自遷安令調寶坻固

計調簡奉旨仍忽逢陽九兼百六神京風雨悲黃昏小臣

是時宰涇縣未能身殉緣親存黍離行吟感周室新亭揮

涕聲暗吞趨朝見此悚然異再拜展視傷心魂回思秉國

者誰氏獨使艱難貽至尊宵旰之暇亦游藝得留宸翰在

乾坤周鼎商彝何足道唐碑晉帖猶兒孫含悲捧入鳴鳩

署自涇縣令遷南京永藏宗祏垂後昆告誡在笥勿輕啟

觸之恐有雲雷奔

三哀歌

我有君兮真聖明宵衣側席禮豪英微臣捍敵當邊塞功

竹林八圩志

卷十詩徵內編

七

在封疆天語旌賊熾陡驚龍馭杳未能身殉愧偷生一歌

我君兮數吞聲

我有父兮擅三長釋褐初除水部郎七載賢勞朱邸建橫

罹貝錦慘飛霜訟冤今日蒙湔洗痛阻當年請代章一歌

我父兮淚瀼瀼

我有師兮胡文節師諱守恆字吉雲官評清白如冰雪作

史盜輸班馬才罵賊復見常山舌君恩特諡表孤忠生氣

千秋應不滅一歌我師兮增哽咽

輓蔡忠襄雲怡老師兼弔同時死封疆諸君子

勝略恆中制臨戎復寡援捐軀揚壯烈殺賊震英魂盜畏

亾城律難忝養士恩重泉頻轉盼何日復中原

偶檢吳磊齋徐寶摩黃石齋三先生詩牘兼悼先後

殉難諸公

烽火長安道驚心鼙鼓催天王殉社稷臣子戀泉臺壯氣
山河鎮英魂風雨來幽燕春色冷鵲舌倍添哀輓甲申諸公

金川兩失計臣節樹朝端赤族當年易輕身此日難矢心
惟報國遺恨未鋤奸子姓收骸骨同人孰撫棺乙酉諸公

北地悲胥溺南方尚有人平章歸武吏戰守付儒臣齋志
誰堪訴捐軀不為名沙場春草色碧血染和成戊亥諸公

同年盧牧州陸鯤庭吳歲青陳澹元方懷岵劉漪君
楊杏園張雷溪張翊明姚有僕先後殉難詩以哀
之

竹林八圩志

卷十詩徵內編

八

數載同憂患一朝分死生殺身不再計全節有餘榮挂劍
輕千里悲笳動五更可憐李黼榜偃蹇老維楨

病中述志二首

八載京華夢天涯幾故人和陶書甲子弔屈賦庚寅地下
從吾父堂前戀老親酬恩無一可生死共沾巾
白眼乖時俗煩憂祇自焚五車聊作伴百歲未平分變境
天同夢遺民史闕文惟將前進士慘澹表孤墳

寶坻嬰城述感二首

麗譙星斗夜蕭然倚劍相看耿不眠問雁書遲瞻岷日聞
雞愁入請纓年四郊多壘知誰耻九死全城自可憐魯道
蒼茫鼙鼓急漢家空仵畫凌烟

按第二句一作鈐拆風傳
警獨眠五六一作堅城半

作巖墻恐大將
翻同少婦憐

甘泉烽火日騷然
風咽笳聲攪戢眠
乘障冷疑霜似雪
枕戈愁閱夜如年
縱橫多壘竄埋耻
寂寞長纓祇繫憐
西望薊門淒斷笛
空留殘樹鳥啼烟

寶坻食銀魚作

一束冰筍出水痕
蘆臺霜信蛤山根
只愁糝附油蒸慣
食法監厨試細論

哀南紀事十九首

擁兵四鎮號雄藩
潁泗誰成犄角援
門戶三朝還要典
神京都是太平言

旌旗駭目繞臙幢
唯有江聲舊日同
擊楫漫勞空野泊
恨

竹林八圩志

卷十詩徵內編

九

人無術借東風

桓桓戰騎簇如雲
祇憶吹篴可却氛
轉鬥幾人誇衛霍
礮前今是大將軍

紛綸兵氣但催官
漫道神州克復難
半部職方尸贊畫
滿街都督噪長安

請求窈窕愛君深
豈為干戈徹瑟琴
典禮一冠三萬直
度支先急市珠金

相君底事邁羣才
歌舞忘憂玉漏催
三策未須前箸借
新聲還進教坊來

檄羽連朝震玉堦
畫船猶自織秦淮
登陴寥落城烏坐
拒馬惟催柵滿銜

石榴茉莉競江東，炤路擔香間白紅。
花障整嚴觴令出，憑教沈醉賞天中。
長江鐵鎖不遮兵，但遏輕裝出禁城。
令箭飛傳魚鑰啟，早看丞相送金行。
北風五月駭揚沙，軍令清街禁不譁。
一道紅燈馳郭外，中涓夜出捕蝦蟆。
日市霜蹄紉苳囊，遁思早決半閒堂。
何當定策誇元老，一任烽烟逼建章。
題襟妻烈擁雙魂，不瞑看兵入殿屯。
牛首山空悲嘯急，白門相弔子胥門。
總師請對濟輕舸，中旨宵傳急禁朝。
咫尺鳳城機事左，滿

竹林八圩志

卷十詩徵內編

十

天昏霧起驚潮，高皇諱日怒風遒。
天塹驚飛渡順流，鵝鸛不醒京口夢。
松楸先動孝陵愁，抽兵急拒武軍昌。
直北長驅迫陣雲，十鼠自銜同穴感。
一時拼付捲堂文，雄風惟見戰竿黃。
圍棘如閭國阱怵，京察未成戎馬入。
郤憐怒臂似螳螂，稱后稱儲忽沸騰。
天心總在緩中興，欲書夏五垂千泪。
潛樹冬青徧二陵，擲將桑土插荆榛。
錮籍同翻赫要津，狗苟蠅營皆類聚。
乾坤濁亂不關人。

江南忽已盡紅妝顛倒乾坤一戲場直欲悲歌隨戲去優伶猶得舊冠裳

春除日洪慶之過飲

憐君卧病已經旬出郭尋春却送春歸路只應垂醉眼楊花如雪倍愁人

沈章

示弟漣

蠶則有蜜蠶則有績矧伊人兮胡不爾德一解昔我先人實懋厥功靡不夙夜克纘其宗二解伊余懷兮程是稼穡一經不遺以永朝夕三解朝斯夕斯日月言邁令聞或忒我心匪懈四解人亦有言聲類是求相彼蒼鷹氣化為鳩

竹林八圩志

卷十詩徵內編

十一

五解

淵冰在前惕焉戾止繩墨在御敢以勗子

六解

苕莊詩

栗里歸來栽五柳苕翁老去種雙松樹高白鶴來巢日人在天台第幾峰

一犁新雨麥秋過沮溺何心戀綠蓑多半英雄桑牖下不堪中夜飯牛歌

高以永

寄懷從兄瞻帖時作廣文處州

兄弟離愁日乾坤震蕩中有官翻寂寞無事亦西東千里清江隔高堂白髮同故鄉萼草長夢否釣秋風

題先世隱居

谷口茅齋舊城東瓜地豐由來傳樂土偶坐自春風竹裏
澄波細鷗邊晚照紅自憐桑梓在未敢恨途窮

寄舍姪佑鈺

汝去經時久還聞在越州故人誰枉駕旅食幾登樓園菊
憑開落江帆信阻修遙憐書劍客何處可淹留

竹林寺月下作寄兒子孝本

古寺疎鐘歇空庭涼月深徘徊孤客影俛仰百年心瀟落
吾何病窮愁汝未禁即傳披豁意千里共開襟

浙川雜詩

微風丹水上蕩漾桂舟輕憶昔經過地曾愁父老迎雲迷
夏禹廟草沒漢王城為問商於野春來幾處耕

竹林八圩志

卷十詩徵內編

十二

東明寺牡丹

相傳
帝手植

殘花千朶玉臺邊荏苒隨夙亦可憐珠淚舊來迷翠竹春
魂何處問啼鶉芳華絕世渾無那零落春山倍黯然院鎖
夕陽歸去晚若為愁對說當年

秋夜青士廉伯敬可勝力勗丹及余父子集東郭僧

舍分韻得秋字

丹楓白雁橫九秋林水極目情悠悠壺觴乍移西日落城
柝欲動霜華流天涯兄弟且長枕歲晚風物難登樓會須
卜築同畝畝雨雪不事山陰舟

甲子歲除衙齋飲集時子慎弟來自湘東念祖侄來

自渭南即席次念祖韻

江關不記何年別，卻喜殊方並解鞍。
季子敝裘逢臘祭，阿咸新句在椒盤。
孤城雪競千岩白，虛室燈分五夜寒。
拙宦已同勾漏隱，也無清夢到漁竿。

念祖侄從豫章來，內鄉住兩月餘，復將為關內之游。時余以事詣郡及歸途中，黯然成此。

十載風塵京國夢，連宵燈火話言慙。
衣間猶帶楚江雨，馬首又瞻秦嶺雲。
箐谷路經知虎氣，菊潭詩在問鷗羣。
督郵正惱陶公意，別後行藏未遣聞。

寄二兄

自到南陽三戶城，楚雲秦樹總含情。
征鴻偏向愁邊落，春草多從夢裡生。
數世瞻依鳧舄在，先曾王父曾為一官消

竹林八圩志

卷十詩徵內編

十三

受菊潭清天涯相見殊，難得紅葉岡頭幾望兄。

竹林里逢端午

俗類秦餘此舊溪，相逢佳節偶招携。
乾坤何意還杯酒，江漢傳聞尚鼓鞶。
村市昨晴人語雜，草堂當午夏雲低。
農桑自合狂夫願，誰道青門學灌畦。

高佑鈜

落帆亭別諸弟

六月經長別，孤舟問去津。
自憐垂釣者，忽作遠遊人。
門戶憑諸弟，關山憶老親。
平生慷慨意，到此一沾襟。

高孝本

謁選北上

匆匆襍被行游子腸百結親命不敢違豈忍溫裾絕親言
身强健子姓紛行列慎毋老人念匪躬勵臣節再拜辭北
堂兒暫晨昏缺叮嚀弟與妹代我祝哽噎吳帆晨始張夕
與越山別天外千山雲夢中雙髻雪
先人晚通籍宦遊十四載三徑久荒蕪安貧了無悔官舍
綵衣侍垂簾經史對清白傳子孫提耳殷勤誨雲霄思致
身所愧識寡昧山陰譜曾貽胡威絹猶在幸有父書讀敢
忘吾鼎愛

有感

乙亥逼除辭北堂明年捧檄琴溪旁遲遲不見板輿到手
扶銅杖歸蒼皇斷葱割月今已矣陸續無母更堪傷白頭

竹林八圩志

卷十詩徵內編

十四

兒未貽親辱家祭幸無盜跖梁
有弟讀書能固窮三人各瘦杜老同昨我出門苦相戒作
吏但可啞且聾年來為兄雙足繭鬢髮白盡成衰翁何時
徒步歸鄉里兄叱牛兮弟牧豕
兩妹早亡兩妹在曾傳詩禮識大概昔年兄作天涯客大
雷書到愁相對兄今況在荆棘叢糗糒遠貽心更碎甯家
宅相皆童孩幸勿他年似舅來

八老詩

六兄鬚白三十年近聞童顏似學仙豐年但不愁粥饘花
前岸幘常陶然參軍儉幕依紅蓮染鬚趨府瘦馬牽朝來
偶得博進錢纔黔墨突炊新秬老人七十携青氈口授句

讀親丹鉛張蒼無齒絕可憐猶能花鳥師黃筌叔兮玉樹
繞膝前尚平婚嫁累獨偏池邊小結屋數椽客來竹裏生
茶烟季子猶存負郭田身辭博士無拘孿管寧木榻坐欲
穿韋相一經孤孫傳吾家仲氏體最孱秋風乍起先裝綿
抄方畫卦非精研盃花砌草空留連季也最少亦華顛生
平性癖少世緣圍棋不耻人饒先楸枰推去惟高眠固哉
高叟老執鞭頻年作客行迺蘭亭久不隨羣賢時時悵
望鴛湖邊

將發績溪留別

兩載南冠客何從叩九關此囚無死法今日得生還身比
輿儻賤心同木石頑聖朝寬大甚抱甕有餘閒

竹林八圩志

卷十詩徵內編

十五

邑小居人密窮閭實可矜山荒猶有稅民困只為僧利未
桑麻徧訟因睚眦興何時富且教自媿素餐曾
諸生來往數晨夕益情親話以文章久交惟患難真移尊
常出郭埽榻欲留賓豈敢當師事聊為冗食人

沈承勳

止鄰人伐樹

雨露潛滋不費糧一般生意荷東皇勸君萬事留餘步夏
日新陰好納涼

高士敦

沈遜甫饁耕圖

緬昔竹林賢逸興在邱壑君抱濟時才曷為棲澹漠有子

下書帷鴻飛嗤燕雀君廼知民依與日偕息作絲粟念由
來力田歲不惡優游南畝間斗酒于胥樂耦耕吾素願幽
懷欣有托

集竹林即事同沈遯甫作

尊酒逢知己開懷為舊游道人眠且去謂舒山吾輩氣橫
秋雨歇空堦滴風和細浪浮歸歟舟一葉雲樹足清幽

沈家基

鴛湖客舍有懷師衡養源兩弟

遠望湖樓暝色融寥天雲濶送征鴻烟消衰柳拖秋水葉
脫高梧過晚風客舍光陰杯酒裡故鄉兄弟竹林中夢魂
常誦池塘句王李家聲二子同

竹林八圩志

卷十詩徵內編

十六

沈達

五十初度

壯齒垂遲暮嬉遊感昔年光陰還自惜老大竟誰憐漫比
嵇康懶深知伯玉賢守株今五十底事望騰騫

沈可均

壽蓉亭伯兄五十

壯懷豈合住林泉轉瞬光陰惜往年服政無心隨後進知
非有志學先賢滿床圖史貽謀遠繞屋桑麻寄興偏莫向
旁人便稱老斑衣好舞畫堂前

華繁二首

華繁絮亂幾憑欄此日浮蹤去住難寶劍何妨亡後贈明

珠誰解暗中看心傷薄命隨雞縛氣盡連床異被寒那得
死生均不負人間無鬼論須刊
翦髮何曾忝代終持門不為數錢工斷機示教原應切敗
絮懷慙尚欠公高廩盈虛歸主鬯楚人得失未忘弓績餘
計過應無憾彤管還宜紀偉功

同里王澹庵翁元娶沈半桐居士之同母弟繼娶
陸太孺人乾隆癸丑二月蓋為王氏命延居館其家
花繁二孺人隆癸丑二月蓋為王氏命延居館其家
章起結陸夫適人刻苦訓育盡情寫出中而發第
未鈔沈錄今出一陸女適人刻苦訓育盡情寫出中而發第
已濟聲書復詳疏以語後嚴之讀是詩者道此二語似
廷有遺誰道花繁二疏以語後嚴之讀是詩者道此二語似
松終遺語道花繁二疏以語後嚴之讀是詩者道此二語似
戶不淚縱橫王見鸚兒孫果太夫名州載深恩逾子平
那漸淚縱橫王見鸚兒孫果太夫名州載深恩逾子平
弟漸淚縱橫王見鸚兒孫果太夫名州載深恩逾子平
感泣成此詩道光甲午歲七月人廷濟
按

竹林八圩志

卷十詩徵內編

十七

沈可培

此詩順安詩集未載其墨
迹今在知非樓因附於此

題歷城朱肖野

廷垚

憶園飲餞圖

園為王文靖舊第
肖野王氏甥也

憶我客京華舊聞搜日下石鼓識攻車窰廠尋廢榭偶涉
相國園欹側荼蘼架朱樓問主人轉眼愴物化惟餘青箱
集雜誦如親炙懷此頗有年遠稅平陵駕傷心逢羊曇却
憶東山謝袖裡出古圖別墅連精舍想見飲餞時裙屐都
整暇名流作高會西園此其亞猶餘玉潤輝學海從源瀉
文章付阿士櫝藏沽待賈披圖感舊思到此一慰藉何必
學向秀山陽空歎咤
孟廬札記
出宰上高

燕賞頻將異數叨

四月二十六日賜恩榮宴

觚稜回首別

金鰲銅章耀日紆青綬彩蟒穿雲上錦袍純是夢中珠殿

麗真如天上玉堂高何緣得似王喬履還向都門走幾遭

題亡妹可增遺像

妹工詩年十八歸王澹庵上舍卒年二十三

悔不燎鬚佐粥饘墓門宿草竟芊芊而今畏見遺容在苦
憶雙雛索母年

風前咳唾盡珠璣臣妹才真絕世稀不獨諸兄慚柳絮青
綾常解小郎圍

沈可坊

乾隆辛卯偕曉浦弟功垂二姪遊涉園

竹林八圩志

卷十詩徵內編

十八

烏夜村邊訪隱淪武原城外草如茵遙看春色歸何處明

月清風是故人

沈可至

月下憶禮藩八哥

月湧大江流清光萬里收暮雲星斗靜銀漢露華浮關塞
征途遠深閨別夢悠異鄉兄弟隔應戀故園秋

松岩大兄將之黔陽賦此誌別

遙望關河日正曛驪歌一曲忍相聞鵲鴿原上驚斯邁鴻
雁秋高惜故羣銅鼓山連千里瘴牂牁城繞萬峰雲黔陽
天末西風厲早策歸鞭事耦耘

辛卯七夕讌集光裕堂時南垞恪亭香菜三兄將之

山左兼以誌別

樓頭纖月吐微光
瓜果閒庭入夜涼
緱嶺清笙聞羽客士道
習池涼會倒霞觴
西風向夕寒砧起
南雁經秋旅夢長
最是離情忘不得
天涯雲樹正茫茫

西湖詩

七歲時作

新燕飛飛四月天
西湖蕩槳有魚船
山中月夜天河曉
遙看南屏起翠烟

輓春濤弟

空負凌雲作賦才
螢窗苦志儘成灰
草堂夢破三更後
猶似吟哦入座來

知己吟魂近可招
墓門衰草總蕭蕭
厝所與陳竹相憐不

竹林八圩志

卷十詩徵內編

十九

減生前意夜月青楓伴寂寥

沈德毓

題春濤四弟遺照

焚膏繼晷紹前聞
提要鉤鈞思入雲
棣萼正栽天上杏
芸香看擷泮中芹
蒙泉南宮報捷時馨弟即入泮
錦囊李賀心徒嘔
雪案孫康夜每分
今日披圖增惋惜
未將金紫報辛勤

沈銘彝

答趙蕉雨即送其復遊海陵

嚶嚶倉庚鳴喻意在求友
結交海內賢不如近里取吾里
稱舊家四姓書香久
趙沈高胡
就中清胃遙宗室
彝齋叟抗節
山中薇雅懷門外柳蘭亭
輕性命坐具濯塵垢
高風仰廣

陳千載誰與偶數傳來竹林結廬福村右從廣陳遷居吾里

瑰傑眾所欽世德清芬守鄱陽獄平反玉屏先生慶源詩

抖擻質庵先生有詩集寄意十景題長明先生松十景耽研六書藪

松皋先生有詩集貪泉不易心鷗盟先生宰興墨池肯離手恕

楷先生善一樹清標無愧王孫後君乃起承之才大無不

有嗜古搜典墳識字到蝌蚪詩湧蒼梧泉賦凌黃柑酒論

說開五丁瀏覽看二酉弱齡事壯遊挾策崇川走欲以海

勢雄助其筆陣陡因之文益工才華增一斗我亦服先疇

殘編享敝帚妄希千慮得勉紹一經授幾番厄黃楊蹉跎

漸白首文字聊解嘲詩篇只覆瓿一旦發狂疾筆硯焚八

九譬如待字女敢復炫老醜君動故園思言歸翦春韭念

竹林八圩志

卷十詩徵內編

二十

我形影單柴門屢相叩時縈簪履懷不惑謠詠口相與縱
譚諧意氣撼戶牖新詩又見貽喜不落窠臼未免阿所好
獎借及枯朽讀罷汗如漿撫膺呼負負曠觀古與今浮雲
幻蒼狗顏何以早卒跖何以老壽廣何以不侯忠何以佩
綬為問碧翁翁是誰職之咎期君指我迷渾淪一細剖況
當百年前兩家俱昌阜翰墨留精英交道雷陳厚先高祖創敦本
祠松皋先生手書聯語以贈比隣共舒嘯東皋復南畝繼續有文孫同
調欣合耦虞卿雖窮愁世味豈能誘惟念琳琅投報之非
瓊玖海艘溽暑銷波平潮不吼此行景物佳冰桃佐雪藕
賦詩慙無文歌驪乃擊缶秋風莼鱸肥可憶鄉園否

拆屋行

東家拆屋如造屋歡呼之聲撼林木西家拆屋土變金運
甕似惜陶公陰東家拆屋供薪爨十年不向樵夫喚西家
拆屋為附棺欲以瓴甌改墓磚合謀共算真創見坡公所
謂無心肝從此遶舍開異境高高瓦礫堆成嶺垣頽壁倒
慘旁觀棟折椽崩驚夢醒百年風流埽地無兩家置酒方
嬉娛甘心同作邱中貉不顧殃及池中魚有叟龍鍾年七
十躑躅門前長歎息當年甲第排如雲親見翬飛與鳥革
半載來心緒殊惡與鏡帆尺素往還未能韻語戊子
長夏閉戶養疴悽惋之餘作此告哀

別緒馳千里詩情擱半年只憑書札到聊慰夢魂牽孤嶼
雲堆屐柶溪月滿船念君君念我兩地各淒然

竹林八圩志

卷十詩徵內編

二十一

到處能行善常時愛得朋人生能若此已據最高層況有

趨庭樂更看插架增解衣磅礴處就誤試驅蠅

君尤精
六法

我病兼衰老人人棄散樗羊公空有鶴惠子竟無驢偃蹇

絕交論淒涼逐客書傷心無可訴略為託雙魚

不遣機心熟硜硜拙似鳩長嗟磨蝎尾敢鄙爛羊頭有命

生何補無聞死即休祇慚荒謬句留辱在東甌

戊辰十二月十四日葬先考妣於里仁鄉西天字圩

孟莊橋得詩六章惟以告哀

清天碧海隔層雲從此幽明兩地分一掩懸知難再見九
原至竟有何聞斯邱竊比滕公室他日應呼董相墳畚鍤
躬親敢告瘁滿林落葉趁斜曛

十載音容夢寐通言猶在耳敢如充史雲制令懲加禮文
楚遺書戒厚終遺命薄葬苦縣兩篇安壙內孝經一卷置牀中

前賢作達堪同調為侶為儔付太空

昔日皋比灤上秋手編教孝喻從遊何勞劇孟馳千乘已

勝君卿致五侯先君主講灤源時以楊園隴外剛添微雨

潤籬邊乍覺暗香浮穆湖封土真如昨悽絕霜華兩鬢稠

乾隆己亥奉先君命營先祖考妣兆于秀水穆湖祖營之側

半村淄淄凍雲輕堂斧崇封次第成擊豕薦羹無故吏炙

雞絮酒有門生楊百泉謝牧園耿可能免擾高風嗣不見

牛眠妄念平一事先靈含笑處銘幽表墓筆縱橫司農錢公樾誌

墓中丞章公煦為外碑

竹林八圩志

卷十詩徵內編

敬題高厲公先生尺牘卷後和外孫唐翰題韻

擲甲登陴意擱然指揮慷慨誓當年勁風誰向生前識遺

墨偏從劫後傳手稿萬言迴日月公有訟父冤疏為世傳誦心知四海

薄雲烟卷後多鉅公題識即今曠世猶相感為酌寒泉弔昔賢

秉爨不獨好循良扶植三綱與五常洪永天崇濺熱血祖

孫父子剖忠腸昔人論高氏諸公太常忠而死屯田死而忠

學探宛委詞林重功在封疆史冊光遺愛桐鄉留俎豆拜

瞻一瓣奉心香銘爨未冠時隨先子寶坻任所拜公栗主於名宦祠

趙榮

題竹岑孟莊廬墓

畚鍤躬親瘁不辭數篇哀比蓼莪詩事親之禮有終日孝

子此心無忤時色笑堆來雲滿案瞻依滴去酒盈卮他年
季路傷貧淚五父衢邊望更悲

經術勳猷重朔南歸來泉石數年耽考終人說衍疇五樹
立公兼不朽三萬斛流來皆泗水一厂藏處是瞿曇門墻

築室多餘慕也擬蓬茆小結庵
雨痕嵐翠漾華鮮何幸佳城葬大賢人藉卜商觀馬鬣天

因陶侃示牛眠千秋涕淚悲山水四邑謳歌入管絃公歷
邑並著惠政邑人為作新樂府過客低迴勞駐馬摩挲碑版夕陽邊

唐翰題

題高廌公先生尺牘卷後

并序

宿是卷外大父孟廌老人家藏墨也壬辰自嘉平月信
聽松閣雪窗侍坐縱論及高氏家世文忠殉

竹林八圩志

卷十詩徵內編

二十三

靖難師後世篤忠貞而屯田一虞衡二公後先與美
豐功偉節也老藏之乃全實有明題曰罕部不感
先者久蹟也卷後多聞起語類皆過問者梓志者敢
輕生示人亦足慰公而興起之類與桑梓之敬
之義尤知卷人亦足慰公而興起之類與桑梓之敬
相踰微暑肅然論足慰公而興起之類與桑梓之敬
行間宛然在好莫敬其成人而此敬書久片獨得氣
護宛然在好莫敬其成人而此敬書久片獨得氣
默相者耶其敬其成人而此敬書久片獨得氣
色相者耶其敬其成人而此敬書久片獨得氣
人得喜即和疾二詩且甚誌興古必一越後老覽之
稍間嘉平魚二疾日忽手札招往雪命舟至見病
甚因語翰十疾且甚誌興古必一越後老覽之
閱所云二語平疾日忽手札招往雪命舟至見病
水先與詩深嘉汝酸尚憶壬辰之未遺汝好者固明
欲留此手與詩深嘉汝酸尚憶壬辰之未遺汝好者固明
自益以遂樂付汝酸尚憶壬辰之未遺汝好者固明
其人知此以遂樂付汝酸尚憶壬辰之未遺汝好者固明
惟汝之望意欲賦一詩以光之也緒老之前異

日可也。僅書得二。籤預為他。日裝池標。題汝其善。
藏所言。心竊驚疑。翰題拜。而受之。不。敢。辭。也。既。日。思。老。
道人。山。有。寸。進。斯。言。遂。成。奇。識。一。耶。今。忽。忽。月。十。日。歸。
學。未。徒。使。鄉。賢。烏。能。表。章。沒。於。芸。窗。幾。希。案。間。昔。年。矣。
厚。庸。復。俗。子。之。先。手。飽。蠹。魚。之。腹。相。去。輒。呼。耳。負。追。憶。
入。今。冬。裝。池。既。竣。乃。檢。舊。作。重。書。一。卷。過。並。呼。謹。附。錄。
已。大。節。數。則。俾。後。之。覽。非。有。所。徵。也。厲。公。老。先。生。
高。氏。大。節。數。則。俾。後。之。覽。非。有。所。徵。也。厲。公。老。先。生。
人在。必。大。稱。快。於。九。原。也。道。光。甲。辰。十。一。月。朔。
斯民。直道。本。同。然。孝。始。忠。終。記。昔。年。百。代。完。人。肯。磨。滅。八

直齋語也。可見三代直道自在人心。

後生何幸識忠良。亮節高風繼太常。寶坻全城泣神鬼。金陵抗疏裂肝腸。秘藏應勝球琮重。精氣常存日月光。一樣平原垂不朽。腕痕毫影認餘香。

竹林八圩志

卷十詩徵內編

二十四

竹林八圩志卷十 畢

